

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 27. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine, broj: 39/03, 22/06 i 43/10), člana 7. stav 2. tačka 2., člana 8. stav 2. i člana 9. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj: 75/04, 38/06, 52/09, 56/09 i 36/14), a u vezi sa članom 5. Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20 i 14/21), na prijedlog Kantonalne uprave civilne zaštite, Vlada Zeničko-dobojskog kantona, na 182. sjednici, održanoj dana 24.11.2022. godine, d o n o s i

RJEŠENJE

o imenovanju Komisije za procjenu šteta od prirodnih i drugih nesreća

Član 1.

Imenuje se Komisija za procjenu šteta od prirodnih i drugih nesreća, na nivou Zeničko-dobojskog kantona u sastavu:

1. Džavid Aličić, dipl. ing. mašinstva, predsjednik,
2. Refik Zeković, dipl. ing. građevine, član,
3. Amra Pojskić, dipl. ing. mašinstva, član,
4. Zoran Martinović, mr. dipl. ing., član,
5. Hajrudin Bečić, dipl. ing. poljoprivrede, član.

Komisija se imenuje na period od 4 godine.

Član 2.

Zadaci komisije su da:

- a) prati, objedinjava, usmjerava i vrši nadzor nad radom općinskih komisija na području Zeničko-dobojskog kantona i tim komisijama pruža stručnu pomoć u pravilnom primjenjivanju uredbe o jedinstvenoj metodologiji za procjenu šteta od prirodnih i drugih nesreća;
- b) vrši provjeru realnosti procjene šteta koju utvrde općinske komisije uvidom u dokumentaciju i stvarno stanje nastale štete;
- c) izrađuje zbirni izvještaj o procjeni šteta na području Kantona, koje su utvrđene od strane općinskih komisija na području Kantona i taj izvještaj dostavlja Vladi Zeničko-dobojskog kantona na razmatranje i usvajanje, a nakon toga usvojeni izvještaj dostavlja Federalnom zavodu i Federalnoj komisij u roku od 15 dana od dana usvajanja;
- d) predlaže Vladi Zeničko-dobojskog kantona, bliže kriterije i prioritete za pružanje jednokratne pomoći općinama za otklanjanje šteta nastalih od prirodnih i drugih nesreća;
- e) predlaže Vladi Zeničko-dobojskog kantona visinu sredstava koja bi trebalo obezbjediti za otklanjanje šteta nastalih na području kantona.

Član 3.

U sastav Komisije mogu se, ako se ocjeni da za tim ima potrebe, imenovati i druga stručna lica iz odgovarajućih oblasti, sa svim pravima i obavezama kao i članovi komisije iz člana I. ovog rješenja.

Imenovanje tih lica vrši Vlada Zeničko-dobojskog kantona, na prijedlog Kantonalne komisije za procjenu šteta od prirodnih i drugih nesreća.

Član 4.

Komisija će donijeti Poslovnik o radu komisije kojim će urediti način i metod rada, akte koje donosi, saradnju sa općinskim komisijama, javnost rada i druga pitanja značajna za rad.

Član 5.

Kantonalna uprava civilne zaštite za rad Komisije osigurat će odgovarajuća materijalno-tehnička sredstva, kao i prostor gdje će komisija obavljati administrativne i druge poslove nakon prikupljanja podataka o procjeni šteta.

Član 6.

Rješenje stupa na snagu danom donošenja, a objavit će se u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-30-17447/22

Datum, 24.11.2022. godine

Z e n i c a

DOSTAVLJENO:

1x Kantonalna uprava civilne zaštite,

1x Imenovani, putem Kantonalne uprave civilne zaštite,

1x „Službene novine Zeničko-dobojskog kantona“,

1x a/a.